

Ár 2012, fimmtudaginn 2. febrúar kl. 8:00 kom bæjarráð saman til fundar á skrifstofu bæjarins. Mætt voru: Unnur Þormóðsdóttir, Ninna Sif Svavarsdóttir og Róbert Hlöðversson.

Ennfremur sátu fundinn Aldís Hafsteinsdóttir, bæjarstjóri og Helga Kristjánsdóttir, skrifstofustjóri sem ritaði fundargerð í tölvu.

Unnur Þormóðsdóttir formaður, setti fund og stjórnaði.

Leitaði hún eftir athugasemdum við fundarboð en engar komu fram.

Eftirfarandi fært til bókar:

1. Bréf sem borist hafa frá:

1.1. Sýslumanninum á Selfossi frá 10. janúar 2012.

Í bréfinu er óskað eftir að Hveragerðisbær veiti Sýslumanninum á Selfossi heimild til að afskrifa opinber gjöld, sem eru í innheimtu hjá embætti sýslumannsins á Selfossi, eftir verklagsreglum fyrir innheimtumenn opinberra gjalda í ríkissjóð.

Bæjarráð samþykkir heimildina en óskar um leið eftir því að bæjarstjóra verði til upplýsingar sent árlegt yfirlit yfir afskriftirnar.

1.2. Rannsóknarmiðstöð í jarðskjálftafræði frá 19. janúar 2012.

Í bréfinu eru kynnt öflun gagna tengd eldgosinu í Eyjafjallajökli 2010, aðdraganda þess og afleiðingum.

Lagt fram til kynningar en starfsmenn munu verða við óskum um gögn sé eftir því leitað.

1.3. RARIK frá 20. janúar 2012.

Í bréfinu er kynnt áætluð hækkun á viðhaldsgjaldi götulýsingar og jafnframt óskar RARIK eftir viðræðum við Hveragerðisbæ um að Hveragerðisbær yfirtaki eignarhald á ljósastaurum í bænum.

Samþykkt að fulltrúum Rarik verði boðið til fundar um málið.

1.4. Knúti Bruun og Önnu Sigríði Jóhannsdóttur frá 26. janúar 2012.

Í bréfinu skora bréfritarar á bæjaryfirvöld að leggja bundið slitlag á veg í Hverahvammi.

Samþykkt að fela skipulags- og byggingafulltrúa að taka saman upplýsingar um kostnað við framkvæmdina sem lagðar yrðu fyrir bæjarráð hið allra fyrsta.

1.5. JP lögmönnum frá 25. janúar 2012.

Í bréfinu sem ritað er fyrir hönd Diðriks Jóhanns Sæmundssonar er óskað eftir frestun á innheimtu fasteignagjalda þar til gengið hefur

verið frá mati á tjóni eftir jarðskjálftann 2008 á eignum hans.

Bæjarráð samþykkir að leita eftir heimild bréfitara svo bæjarfélagið geti nálgast upplýsingar hjá Viðlagatryggingu um stöðu mála er varðar uppgjör tjónabóta á eignunum. Þegar þær upplýsingar liggja fyrir verður málið tekið til efnislegrar afgreiðslu.

1.6. Verkefnastjórn um NPA ódagsett.

Í bréfinu er boðað til rástefnu 10. febrúar nk. á vegum NPA (notendastýrð persónuleg aðstoð) til að fara yfir stöðuúttekt á vinnu verkefnisstjórnar um NPA og lýsing á verklagi í fyrsta áfanga verkefnisins.

Lagt fram til kynningar.

1.7. Eflu / Verkfræðistofu Suðurlands frá 26. janúar 2012.

Í bréfinu er rætt um áætlun um eflingu hjólreiða í sveitarfélaginu.

Erindinu vísað til skipulags- og bygginganefndar er taki það til skoðunar við næstu endurskoðun aðalskipulags í sveitarfélaginu.

1.8. Skólahreysti frá janúar 2012.

Í bréfinu er óskað eftir fjárhagslegum stuðningi við keppnina að upphæð kr. 50.000.-

Bæjarráð lýsir yfir mikilli ánægju með verkefnið sem hefur án vafa aukið áhuga ungmenna á líkamsrækt og hollum lifnaðarháttum. Samþykkt að styrkja verkefnið um kr. 50.000.-. Bæjarstjóra falið að ræða við bréfitara um önnur þau atriði sem fram koma í bréfinu.

2. Fjárhagsleg málefni:

2.1. Minnisblað skrifstofustjóra v. stjórnunaraðgangs í netbanka.

Í minnisblaðinu óskar skrifstofustjóri eftir heimild bæjarráðs til að fá stjórnunaraðgang í netbanka.

Bæjarráð samþykkir heimildina.

2.2. Samningur milli Þjónustusvæðis Suðurlands um þjónustu við fatlaða og Sveitarfélagsins Árborg.

Lagður fram samningur milli Þjónustusvæði Suðurlands um þjónustu við fatlaða og Sveitarfélagsins Árborgar um þjónustu sem Sveitarfélagið Árborg mun annast.

Samningurinn lagður fram til kynningar.

3. Fundargerðir til kynningar:

3.1. Heilbrigðisnefnd Suðurlands frá 20. janúar 2012.

3.2. Sorpstöð Suðurlands frá 17. janúar 2012.

3.3. Aukaaðalfundur Sorpstöðvar Suðurlands frá 17. janúar 2012.

- 3.4. Atvinnuþróunarfélags Suðurlands frá 19. janúar 2012.
- 3.5. Stýrihóps um skjálftavirkni í Húsmúla, 4 fundargerðir.

Fundargerð upp lesin og samþykkt.
Fleira ekki gert og fundi slitið kl. 8:59

Unnur Þormóðsdóttir, (sign)

Róbert Hlöðversson, (sign.)

Ninna Sif Svavarsdóttir, (sign)

Aldís Hafsteinsdóttir, (sign)

Helga Kristjánsdóttir, (sign)